



**Hortulus Biblico-Moralis Et Asceticus**

**Pappus von Tratzberg, Franz**

**Ulm, 1725**

Doctrina 4. Desumpta ex cap. 10. & 11. lib. 1. Machabæorum, in quibus  
describitur, quomodo Judæorum societatem & adjutorium omnî modô  
Demetrius & Alexander quæsiérint.

---

[urn:nbn:de:hbz:466:1-61252](#)

Institutorem, ad reformationem juxta Regulam sanctiss. Patris nostri faciendam, non efficacius scivisse remedium, ipsa strictiori observantia silentii: hâc enim obtentâ quid aliud necesse est sequi, nisi illud Tren. 3. dictum à Propheta: *præstolatur homo in silentio salutare Dei.* Habendô videlicet exactam rationem temporis, vivendô ad amissim sui instituti, excludendô omnem otiositatem, evitandô distractiones & dissolutionem morum. Erit adhæc recollectus in oratione tam vocali quam mentali, servidus in suis functionibus, custoditus in sensibus, in omni opere præmeditatus, & mente in Deum frequenter raptrus. Hæc præconia, de silentio & linguae custodia nunc dicta, Christiane Lector tuo cordi imprime & si tibi cordi est animæ tuæ perfectione, huic virtuti præ cæteris stude, vitiorum omnium, te impugnare præsumendum, Victor futurus.


### Doctrina 4.

*Desumpta ex cap. 10. & 11. lib. I. Machabaorum, in quibus describitur, quomodo Judaorum societatem & adjutorium omnî modò Demetrius & Alexander quaſierint.*

Considera: **S**i hominum terrestrium amicitia & fœdera tam avidè N.423. queruntur, ut eorum auxiliō hostium impetus reprimantur: quantò magis oporteat fœdera & amicitiam querere eorum, qui eò fortiores sunt, quô propinquiores Deo, & de quibus afferit S. Ambros. lib. 6. de Abraham. *Illorum nos fides servat, Justitia ab excidio defendit.* Periisset universus orbis triplici percussus telo, nisi Virgo beatissima cum SS. Dominico & Francisco suis suffragiis retinuissent ultrem Dei manum. In Provincia Valeræ Monachi à Longobardis irruentibus invasi, fugière ad sepulchrum Patroni sui Equitii, & precebus ibidem vix fusis adfuit illis adjutrix è Cœlo manus, quæ Dæmonibus copiam fecit, hostium corpora obsidendi, ut testatur S. Greg. M. lib. 1. Dialog. c. 4. cùm Treviris gravissima lues grassaretur S. Nicetus Civitatis illius Episcopus ad SS. Patronos Eucharium & Maximum sese calidis precibus convertens, nocte horridum audivit fragorem additâ voce: *Discedamus ab urbe, eò quod ad unam portam urbis S. Eucharius ad alteram Maximus vigilent: in medio autem perambulet Nicetus.* Hinc optimè ad nostrum scribit propositum S. Basil. Homil. 20. in quadra-

quadraginta Martyres : paratum hic est Christianis auxilium , videlicet Martyrum exercitus triumphantium , Chorus laudantium Deum &c. Hi sunt illi , qui nobis certam promittunt assistentiam , dicentes cum Petro 2. Epist. c. 1. dabo autem operam , & frequenter vos habere post obitum meum. Hi sunt , quos moriturus Jacob super filios & Nepotes suos voluit invocari , afferens : *invocetur nomen meum , nomina quoque Patrum meorum , Abraham & Isaac.* Hi sunt , de quibus in Baruch Propheta legitur cap. 3. *Domine omnipotens , audi nunc orationem mortuorum Israël , & filiorum ipsorum.* Hi sunt , de quibus 1. Thessal. 2. ait Apostolus : *qua est spes nostra.* Porro vanâ curâ tanguntur illi , qui Novatorum mores & Doctrinam secuti afferunt : Sanctos auribûs carere , quæ percipient clamantium ad se voces , carere oculîs , quibûs clientum suorum intuentur miseras & necessitates. Dico enim : illos talibûs esse instructos auribûs & oculîs , qualibûs instructos esse Angelos testatur ipse Christus , dicens de his : quod majori gaudiô sint afficiendi super penitentia unius peccatoris , quam super nonaginta novem justis. Et quis ambigit : divinam claritatem eis speculi locô servire , omnia representantis , quæ eos concernunt ? si enim Paulus Cœlum , & in Cœlo Christum triumphantem habuit spectandum constitutus in terra : cur non etiam Sancti à corporeis impedimentis soliti cernant supplicum suorum clientum necessitates ? taceo Concil. Authoritates , SS. PP. testimonia , in Polemiciis meis joco - seriis adducta. Non enim id mihi nunc negotii est , ut in arena contra Novatores decerem . Tuam Christiane Catholice Lector fiduciam , quam fovisti hucusque erga Sanctos , novò zelô inflammare contendo , qui propriâ forsan experientiâ haec tenus didicisti , verisima esse : quæ succincto calamô probavi. Nec habet devotus Sanctorum famulus , ut vel à longè metuat , injuriosum se fore Deo talis cultu : nam injuriam non infert Principi , qui primos ejus Ministros accedit , ut precibûs eorum suffutus , suorum votorum compos à Principe recedat , ipso Deo hortante Job cap. 42. ite ad servum meum Job , & offerte Holocaustum pro vobis : Job autem servus meus orabit pro vobis. Age ergo fidelis anima : spem , quam in Sanctorum præsidio collocas , fervidîs precibûs contestare piaquè vitâ : *habet vim , & quidem maximam ,* inquit S. Chrysost. homil. 5. in Matth. orationes fidelium ; sed tunc profecto , cum nos quoque id ipsum per penitentiam postulamus , & ad studia meliora consurgimus. Ceterum noli ingratitudinem eorum imitari , qui in adversis auxiliô Sanctorum adjuti ,

adjuti, in prosperis beneficii obliviscuntur accepti, se gerentes instar Demetrii, Judæis (ut testatur cap. 11.) ingratissimi.



## FASCICULUS LXIX.

### *Doctrinarum Moralium & Asceticarum.*

#### Doctrina I.

*Desumpta ex cap. 12. & 13. lib. I. Machabaorum, in quo describitur: sœdus & amicitia Judæorum cum Romanis & Spartanis renovata. Tryphonius simulata amicitia & inde oria Jonathæ captivitas, obsides Tryphonii missi, occisi.*

Considera: **M**iram veræ & falsæ amicitiæ antithesin, quam caput N. 424.

M duodecimum hic exponit. Vera amicitia florebat Romanos inter & Judæos, utpote talis, quæ (licet plurima fluxerint tempora, durantibus quibus litterale colloquium inter illas Gentes cessaverat) illa tamen nequaquam inde deleta est. Quare S. Ambros. de vera amicitia loquens lib. Ost. ait: *amicitia, qua definere potuit, nunquam fuit vera.* Giraldus Lilius teste Engelgrav. emblem. 45. p. 2. veram amicitiam hâc depinxit figurâ: stebat juvenis tecto capite, tunica rudi indutus, in sua fimbria depictum deferens: *vita & mors.* In fronte: *aetas & hyems.* Erat ei latus apertum, digitusque cordi intentus cum hoc epigraphe: *longè & propè.* Præsignabat ergo flos juventutis, amicitiam semper florentem. Nudum caput, amici bonum ab amico semper querendum. Rudit tunica laborum tolerantiam. *Mors & vita societatem, nullô casu interrumpendam.* *Aetas & hyems prospera & adversa.* Latus apertum candorem animi, Cor patens sincerum affectum amoremque. Longè & propè constantiam ubique locorum servatam. Verum amicum se probaverat Archangelus Raphaël juvenis speciem indutus: nec enim unicō momentō liquit latus junioris Tobiæ; sed quem sanum duxrat paterna è domo, hunc sanum quoque reduxit, à milienis conservatum periculis, & di-

D d d

viti